



**EXPEDIENTE:** SOLICITUDE DE OUTORGAMENTO DO TÍTULO DE ENTIDADE COLABORADORA COA ADMINISTRACIÓN HIDRÁULICA DE GALICIA EN MATERIA DE CONTROL DE VERTEDEURAS E CALIDADE DAS AUGAS.

**SOLICITANTE:** DEKRA AMBIO, S.A.U.

**ASUNTO:** RESOLUCIÓN

### ANTECEDENTES

1. O 16-3-2011 Dekra Ambio, SAU, presentou a solicitude de outorgamento do título de entidade colaboradora coa Administración Hidráulica de Galicia en materia de control de verteduras e calidade das augas (en diante título de entidade colaboradora coa Administración Hidráulica de Galicia).
2. A vista da documentación aportada, o 14-11-2011, a Area da Calidade das Augas emite informe definindo os ámbitos para os que a entidade solicitante está acreditada.

### FUNDAMENTOS DE DEREITO

**PRIMEIRO.-** De conformidade co previsto na disposición adicional 1º da Lei. 9/2010 Augas de Galicia é competente para a tramitación e resolución do presente expediente. O artigo 5 do Decreto 162/2010, do 16 de setembro, polo que se regulan as entidades colaboradoras da Administración Hidráulica de Galicia en materia de control de verteduras e calidade das augas, atribúe ao presidente de Augas de Galicia a competencia para a resolución das solicitudes de entidade colaboradora coa Administración Hidráulica de Galicia.

**SEGUNDO.-** Na tramitación do expediente tivéronse en conta as normas contidas na Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro, no Decreto 162/2010, do 16 de setembro, no Real decreto legislativo 1/2001, do 20 de xullo, polo que se aproba o texto refundido da Lei de Augas, e no regulamento do dominio público hidráulico aprobado polo Real decreto 849/1986, do 11 de abril.



**TERCEIRO.-** O art. 8 do Decreto 162/2010, do 16 de setembro, dispón no seu apartado 3 que a presidencia de Augas de Galicia, á vista da documentación que figure no expediente, e logo de cualificación pola unidade competente, adoptará a resolución que corresponda sobre o outorgamento do título.

O outorgamento do título de entidade colaboradora, determina a inscrición de oficio no rexistro especial de entidades colaboradoras coa Administración Hidráulica de Galicia regulado nos artigos 13 e seguinte do Decreto 162/2010, do 16 de setembro.

**CUARTO.-** A entidade colaboradora deberá presentar anualmente, perante a Administración Hidráulica de Galicia, a seguinte documentación:

- Declaración responsable de que a entidade segue mantendo os requisitos acreditados para a obtención do título ou, de ser o caso, as modificacións habidas e os documentos que as acreditan.
- Copia da póliza de seguro de responsabilidade civil, aval ou outra garantía financeira formalizada con entidade debidamente autorizada, actualizada de acordo cos índices estatísticos de prezos.

O incumprimento desta obriga determinará, logo de apercibemento, a suspensión provisional da eficacia do título, sen prexuízo do inicio do expediente da revogación do título.

**QUINTO.-** A revogación do título de entidade colaboradora terá lugar polo incumprimento das requisitos ou condicións establecidos no Decreto 162/2010, de 16 de setembro, en particular:

- A perda ou incumprimento sobrevido dos requisitos que posibilitaron a súa inscrición.
- O incumprimento reiterado das súas obrigas como entidades de control.
- A falsificación, alteración dolosa ou neglixencia culpable dos datos e informes subministrados á administración.
- A perda ou revogación da acreditación de solvencia técnica.
- A falta de presentación, cada cinco anos, da autorización ou acreditación en vigor da solvencia técnica.
- O transcurso de seis meses sen cumprir coa obriga de presentación anual da solicitude de vixencia dos requisitos de inscrición, nos termos establecidos no número 5 do artigo 19 do Decreto 162/2010.

**SEXTO.-** Son causas de extinción do título de entidade colaboradora:

- A disolución por calquera causa da entidade colaboradora



**XUNTA DE GALICIA**

CONSELLERÍA DE MEDIO AMBIENTE,  
TERRITORIO E INFRAESTRUTURAS  
AUGAS DE GALICIA

Praza de Camilo Díaz Baliño, 7-9  
15781 SANTIAGO DE COMPOSTELA  
Teléfono: 981 545381 Fax: 981 541676



- A solicitude da entidade colaboradora de cancelar a súa inscrición no Rexistro Especial de Entidades Colaboradoras da Administración Hidráulica de Galicia.

**SETIMO.-** O incumprimento das condicións establecidas no título de entidade colaboradora coa Administración Hidráulica de Galicia consideraranse como acción constitutiva de infracción, e será sancionado de acordo co establecido na normativa vixente.

En base ao exposto, á documentación do expediente e á cualificación realizada pola unidade competente,

### **RESOLVO**

**PRIMEIRO.-** Outorgar a Dekra Ambio, SAU, o título de entidade colaboradora coa Administración Hidráulica de Galicia, no seguinte ámbito:

- Organismo de inspección

As labours que poderán ser realizadas no dito campo de actuación defínense no anexo que acompaña á presente resolución.

**SEGUNDO.-** Ordenar a inscrición de Dekra Ambio, SAU no rexistro especial de entidades colaboradoras da Administración Hidráulica de Galicia.

Contra esta resolución que non esgota a vía administrativa, poderá interpor recurso de ALZADA ante o conselleiro de Medio Ambiente, Territorio e Infraestruturas da Xunta de Galicia no prazo DUN (1) MES a contar dende o día seguinte á súa notificación, de conformidade co artigo 8.6 do Decreto 162/2010, do 16 de setembro.

Santiago de Compostela, 23 de decembro de 2011.

Presidente de Augas de Galicia



Francisco Menéndez Iglesias



**ANEXO**

**INFORME TÉCNICO PARA A DECLARACION DA ENTIDADE "DEKRA AMBIO, SAU", COMO ENTIDADE COLABORADORA DA ADMINISTRACIÓN HIDRÁULICA DE GALICIA.**

Examinada a petición formulada pola entidade DEKRA AMBIO, SAU, para a obtención do título de entidade colaboradora da Administración Hidráulica de Galicia en materia de control de vertidos e calidade das augas, e a inscrición no Rexistro especial de entidades colaboradoras, ao amparo do disposto no Decreto 162/2010, do 16 de setembro, Mónica Velo Cid, técnica do Área de Calidade das Augas do Organismo Autónomo Augas de Galicia.

**INFORMA:** O alcance das labores de apoio para as que está habilitada a entidade como organismo de inspección son as seguintes:

DEKRA AMBIO, SAU está acreditada por ENAC, conforme aos criterios recollidos na Norma UNE-EN ISO/IEC 17020:2004 como **Entidade de Inspección tipo A** para a realización das seguintes actividades no ámbito da inspección:

1.- Nas augas residuais:

ÁMBITO DE INSPECCIÓN	TIPO DE INSPECCIÓN	PROCEDEMENTOS DE INSPECCIÓN
Aguas residuais	<p>Comprobación da conformidade en función da concentración de contaminantes que impliquen a determinación de parámetros medidos "in situ": Temperatura, pH, Condutividade e Osíxeno disolto e a toma de mostras:</p> <ul style="list-style-type: none"> <li>• Simples ou puntuais</li> <li>• Compostas en función do tempo</li> </ul> <p>Excepto para aquelas comprobacións da conformidade que impliquen toma de mostra composta ou integrada para a determinación de contaminantes volátiles.</p>	<p>PE-AG-01: Procedemento específico de inspección ambiental en materia de augas subterráneas e superficiais.</p> <p>IT-AG-01: Mostraxe de augas con mostreador automático.</p>

2.- Nas augas continentais superficiais:

ÁMBITO DE INSPECCIÓN	TIPO DE INSPECCIÓN	PROCEDEMENTOS DE INSPECCIÓN
Aguas continentais superficiais	<p>Comprobación da conformidade en función da concentración de contaminantes que impliquen a determinación de parámetros medidos "in situ": Temperatura, pH, Condutividade, Osíxeno disolto, Cloro libre e total e Transparencia, e a toma de mostras:</p> <ul style="list-style-type: none"> <li>• Simples ou puntuais</li> <li>• Compostas en función do tempo</li> </ul> <p>Excepto para aquelas comprobacións da conformidade que impliquen toma de mostra composta ou integrada para a determinación de contaminantes volátiles</p>	<p>PE-AG-01: Procedemento específico de inspección ambiental en materia de augas subterráneas e superficiais.</p> <p>IT-AG-01: Mostraxe de augas con mostreador automático.</p>



3.- Nas augas mariñas:

ÁMBITO DE INSPECCIÓN	TIPO DE INSPECCIÓN	PROCEDEMENTOS DE INSPECCIÓN
Augas mariñas	<p>Comprobación da conformidade en función da concentración de contaminantes que impliquen a determinación de parámetros medidos "in situ": Temperatura, pH, Condutividade, Osíxeno disolto, Cloro libre e total e Transparencia, e a toma de mostras:</p> <ul style="list-style-type: none"><li>• Simples ou puntuais</li><li>• Compostas en función do tempo</li></ul> <p>Excepto para aquelas comprobacións da conformidade que impliquen toma de mostra composta ou integrada para a determinación de contaminantes volátiles.</p>	<p>PE-AG-01: Procedemento específico de inspección ambiental en materia de augas subterráneas e superficiais.</p> <p>IT-AG-01: Mostraxe de augas con mostreador automático.</p>

Santiago de Compostela, a 23 de decembro de 2011.

Pola Area da Calidade das Augas.

Mónica Velo Cid

Conforme,  
O subdirector xeral de Xestión  
do Dominio Público Hidráulico

Juan Carlos Argüello Fernández